

四庫全書

集部

欽定四庫全書

集部

清江三孔集卷二十三

詳校官中書_臣張經田

助教_臣常循覆勘

總校官知縣_臣楊懋珩

校對官助教_臣羅萬選

謄錄監生_臣程學道

欽定四庫全書

清江三孔集卷二十三

宋 孔平仲 撰

今體詩

初三夜作

曉色漫漫看雪下溪流脉脉見潮生
船窓靜坐無賓客樽酒相從只弟兄
會合都來能幾日留連遮莫到三更
何如徑就舟中宿岸斗深泥不可行

再用元韻

小舟衝雪魚新買濕荻吹煙火旋生一笑無留青眼客
半年不見白頭兄厭厭劇飲壘頻恥衮衮高談僕屢更
故使移船相近住幾番潮信不能行

初十夜作

泱泱積水遶亭基月白風清夜坐時轉舵開船即千里
祇應重到解相思

真州元夕

擾擾州城一彈丸燈光疎冷月光寒杖行猶恐人相識
紫褐圓條著道冠

游江寧天慶觀久視軒見梅已落有寄常父

記得東齋折小梅數枝寒色未全開江上別來今幾日
暖風吹逕雪成堆

造王館公第馬上作

濯濯春容在柳梢野梅相壓吐香苞日邊明晦雲無定
雨後寒暄氣欲交抱藥懸蟲猶帶繭銜枝飛鳥已營巢

高懷不愛三公府白水青山滿近郊

呈館公

磻溪莘野亦初閒去逐功名遂不還
豈有太平辭將相却來高卧對湖山
冥心真出三千界注想長虛第一班
蹢躅朱門舊時客冒寒衝雨到郊關

元子發龍圖以程公詠三園詩見示亦成一篇

名園有一已堪誇勝事三園屬一家
杖策可遊緣近宅得春最久為多花
人居玉府真仙格地占錢塘最物華

見說江湖堂更好烟波清興浩無涯

題姑孰臺

青山便是玄暉宅采石相傳李白墳誰使浪仙來此住
姓名輝映少知聞

戲寄葉縣黃魯直

西山曾夢巫山雨南浦常迷洛浦珠古縣寂寥官況冷
不知還憶舊觀無

贈武科胡七

三尺青蛇丈二矛，岷然來應武科求。
東南近出人才美，西北當寬帝顧憂。
戰馬夜嘶榆塞月，征衣寒犯玉關秋。
古今將相皆無種，好取班超萬里侯。

和常父

平生苦厭家為累，今日應如痛定人。
羣婢喧譁寧復有，孤燈瀟灑自相親。
溫尋簡策評三豕，點綴文章學受辛。
誰謂丹楓會愁客，深秋清思滿江濱。

喜經父閣試第一

決起南溟近北辰風雷含蓄待經綸殿前欲奏三千字
閣下先為第一人擢等定如唐處厚封侯終似漢平津
應嫌有弟真癡絕抱甕區區最苦辛

喜經父制策第一

過閣程文推首出臨軒親策復先鳴大科江左未嘗有
此事吾家真最榮獨步以才高宇宙橫飛不日到蓬瀛
翩翩斥鷃蒿萊下豈識鵬搏九萬程

親策賢良第一番吾家羽翼蔚高騫當時棄祿嫌民掾

此日登科勝狀元四海望風期將相雙親聞榜慶兒孫
台州已有公台兆預約當行必踐言

初食鱗魚羹蒿

魚從網師得蒿自麥田求斫鱠嘗鮮美調羹烹滑柔江
南見春物野次助晨羞人各甘香味鱸蓴未易侔

題夏大初丈高居

入門已可愛庭戶復清陰更有池臺邃相連花木深山
川供隱几風月伴抽簪七十鬚渾黑知公但養心

萃勝亭

蕭灑東堂秋正皎思尋一徑上幽亭天生喬木為歌蓋
地借羣山作畫屏有志休官頭未白多情好客眼偏青
知公故欲來高處目送飛鴻在杳冥

滕元發池州蕭相樓

相國當時此建旄正如今日擁三刀規摹忽起凌千尺
意氣相期在一陶柱礎下連坤軸壯簷牙斜插斗杓高
觀公磊落真人傑莫向江山賦楚騷

再賦

廊廟之才守一州暮年名位等鄭侯簪纓七葉皆當軸
棟宇千章為起樓撫事蕭條人已遠臨風慷慨意相投
期公便握璣衡去留取餘光照斗牛

哭張子禮

漾櫂貴池郡傷心甘澤園笑言成死別風味想生存花
木春無主蒿萊晝掩門尚思歌舞會此語為招魂

出郊

田下泉鳴春雨晴新秧無數已齊生一年農事從今始
會見西風玉粒成

松花

曾聞高節冒冰霜三月開花滿路香
風鬣龍鱗今老大學他挑弄色輕黃

蓮葉

蓮葉田田出水齊清香已有曉風吹物華
光景人誰覺便是花開結子時

清暉館

湖山秀氣合庭榭綠陰初吹臘新嘗酒鳴榔旋取魚青
規諫官疏丹轂使臣車醉尉無儀檢將軍莫怪渠

花望之弄璋亭

開亭面峯島來客慶桑弧屢種藍田玉新還合浦珠海
邊桃結子天外鳳生雛莫笑軒楹陋高門即似于

西軒

新作朱門向水開雖臨行路少塵埃久藏勝境因人發

盡放青山入坐來
樹影轉簷棋未散
荷香飄枕夢初回
晚年事事皆疎懶
賴得閒官養不才

夏晝

落花寧是穢啼鳥
不為喧野水從侵道
青山任塞門吏
身閒似隱官舍靜
於村開卷何曾讀
風來只自翻

和唐林夫游家園

荒園忽報枉高旌
旋設屏帷當小亭
重複江山天外遠
回還松竹坐中青
勸斟美酒壘頻恥
看跋名書墨尚馨

莫笑區區身未退待公鵬擊我鴻冥

庾樓

高城枕浩渺層層壓崔嵬路繞清陰上山分爽氣來天
低風動幕空迴月浮杯遠眼征帆盡涼襟細雨開行人
望蓬島游客比春臺豈獨登臨勝扶傾不易才

夏夜

小雨初收深夜涼杖藜徐步立回塘一天星月清人意
四面芙蓉遺我香大隱嘗聞在朝市昔人何必濯滄浪

應官粗了心無事便是逍遙物外鄉

種花口號

幽居裝景要多般帶雨移花便得看禁奈久長顏色好
繞階更使種鷄冠

蜀葵萱草陳根在金鳳鷄冠著地栽併作暑天庭戶景
深叢時見一花開

池上

汲水添池池已深小魚無數亂浮沉綠萍荷葉皆涼冷

更有庭柯百尺陰

羣魚散漫吸新水好鳥間關啼翠陰悠然物我俱自得
一霎南風吹我襟

桂堂

團團濃綠隔窓紗曾見叢生障海涯太守作堂真好事
謫仙題榜更增華孤根直節非今日秀氣清香自一家
氣候人間應較晚月中子落此開花

此桂八月
花始盛開

通判成郎中生日人凡送香合壽星皆不受獨以

詩獻

和似陽春靜似山謳謠千里祝公年暫留卑濕江城地
且慶舒長夏景天盛德自當增壽考高才行且復蕃宣
香奩畫軸知無用只有詩篇不值錢

詩致卓道士靈座

陰陽藻鑑兩俱優落落高談氣似秋仙馭晚留山水國
客星曾入帝王州却乘眇莽歸三島空葬衣冠付一丘
作頌馳書謝人世知君平昔悟浮休

次韻王通叟

春生湘浦即當還窮覽雲山得據鞍灑落文章終不俗
從容談笑尚能歡千金駿馬將辭主一曲胡琴遂掩棺
世事相因古如此誰知魯國累邯鄲

夏日甘寢

迴風動水葉細雨濕蛛絲心下無閒事人間有此時微
涼紗半捲幽夢角徐吹此興惟吾解兒曹莫使知

晚興

驟雨行荷葉嘈嘈如語言高齋正薄暮宴坐不知喧極
靜開心地新涼入鬢根交游何用絕自罕到吾門

張子明自廬山歸云十五夜桂子落於太平觀鄉
人謂之大熟子豐年之兆也

誰撼月中丹桂枝墮階圓實似珠璣山中道人拾不盡
湖上仙人攜得歸半夜香風飄澗壑一時甘雨徧郊圻
與公寄籍皆江國且喜田園歲不饑

寄康林

北音融結本輕清欲學含糊想未能晚節絃歌應自笑
終朝簿領更相仍九江土壤多卑濕三伏雲氛正鬱蒸
宴坐知君無暑氣風標自敵玉壺冰

詠蜀葵

綽約佳人淡薄粧天真自恃不熏香低頭無語嬌尤甚
更著新翻淺色黃

詠荷花

一花一葉自相連待得花開葉已圓應為施朱嫌太赤

故將嫩綠間嬋娟

晚興

展簾當簷卧微風送晚涼雲移自徐疾蕉舞更低昂結
網蛛縈足歸巢鳥亂行支離聊度日那復論行藏

送吳全甫中舍倅無為

海沂歌舞待王祥喜得淮南一道堂軍號無為已閒暇
地連秋浦更清涼進趨黽勉心應懶退食優游策最長
我住廬山欲招隱為君先去種松篁

晚涼

晚涼睡覺欲何之散步徜徉曲沼西
更上曹亭望江水畫船却樣白龍堤

晚涼睡覺坐前軒悄寂無人共語言
近見南山片雲起滿塘荷葉雨聲喧

賦程氏雲庵

蕭然隱几坐終日白雲間觸石未全起
無心聊與閒幽篁相映帶絕頂有躋攀
最稱侵寒望淮南雪滿山

常父相率作吳丞相挽詞

久勸調羹手新尋辟穀方
謂還周袞繡重補舜衣裳
忽報中台折同嗟一鑑亡
森然棟梁氣今此掩黃腸

鳴玉東西府藏舟辰巳年
鹽梅捐鼎實箕尾返星躔
陰德元豐政遺書太史編
後人瞻髣髴圖像在凌煙

霽夜

寂歷簾櫳深夜明睡迴清夢
戍牆鈴狂風送雨已何處
淡月籠雲猶未醒早有秋聲
隨墮葉獨將涼意伴流螢

明朝準擬南軒望洗出廬山萬丈青

晚望

秋江水自壯更值雨滂沱落日增野興連天吹細波城
依湓浦近舟傍柳湖多吾已忘清濁安知孺子歌

禾熟三首

百里西風禾黍香鳴泉落竇穀登場老牛粗了耕耘債
齧草坡頭卧夕陽

豐年氣象慰人心鳥雀啾嘲亦好音玉食兒郎豈知此

田家粒粒是黃金

雨足川原還驟晴
天心斷送此秋成
穀收顆顆皆堅好
想見新炊照盃明

深夜

聞寂方深夜清涼別一天
臨風但獨立愛月不成眠
成漏傳聲小庭柯轉影圓
露寒侵背側移榻近堂前

和朱君況卜居

吾身當老此園中
世路崎嶇幾萬重
且飽稻粱隨雁鷺



盡將雲雨付蛟龍求閒有志終須得招隱何人肯見從
且為莆田朱處士比隣先種七株松

和項元師見遺柳書

古今諸柳孰為強矯矯誠懸術最良自富詩才堪繼惲
兼深儒學有如芳當時屢獻箴規益末世惟傳翰墨光
石刻見貽真雅賜崢嶸筆力有餘剛

雞冠花

萌芽澆灌已成叢一一深紅間淺紅偏近黃昏顏色好

分明秋景畫圖中

睡起

睡起西風掠鬢輕
蕭然庭院晚寒生
浮雲便作飛鴻意
細雨仍兼落葉聲
物不求餘隨處足
事如能省即心清
山林朝市皆相似
何必區區隱釣耕

送郎祖仁奉禮

碧落聲華蓋世高
哀烏才業亦時豪
靈淵自出駒千里
丹穴今看鳳一毛
方畧從容能處事
精神洒落見揮毫



東行想足資清興江上秋風捲怒濤

次韻孫亨甫見寄

進多齟齬退為安未省乘軒勝抱關半世青衫貧為祿
新秋明鏡老催顏紛紛江上風吹葉漠漠淮南雨暗山
欲和佳篇寄相憶韻嚴詞峭不容攀

唐林夫累惠書字法絕精以詩補之

每承勞問意何窮尤喜真行字頗工蕭散正如君子性
頡頏兼得古人風曾經廷諍毫端直自有家藏硯色紅

雅稱玉堂詞翰手枉留山邑簿書中

至城南別祖仁未歸約文之不至

送客柳亭晚倚欄秋雨酣風烟滿湖上景物似江南蕭
洒憐神往從容憶手談老來心易折離緒已難堪

對菊有懷郎祖仁

薄寒初著袂衣裳日景中分不短長池館虛明開水石
園林搖落受風霜黃花滿檻金鈴秀白酒盈樽玉液香
未老不須雲母粉且教絃筦奏清商



知郡大博臨宴公宇詩以為謝唐林夫在席

眷深賢守已忘形肯屈旌旗到小亭坐有嘉賓仙骨秀
門無俗客暮山青薦樽施遣供蔬甲秉燭相隨看菊鈴
欲識主人書館淡短檠燈火漆函經

秋夕旅館談禪用元韻呈林夫

義以酬知不願形孤標直氣蔚亭亭天涯調官頭將白
江上論文眼倍青自性本空觀水月外塵相染喻風鈴
昨宵共說無生話勝讀西來一藏經

林夫訪及書室夜話又用元韻

珠玉相輝媿我形正如朽壤附雲亭宦情已比春雲薄
交義猶期老柏青坐久北窓號過雁談餘荒戍咽疎鈴
知君不厭寒宵景世上風霜已屢經

至城東作

地形磅礴接匡廬曠野人烟乍有無
栖畝稻梁方待穫識家雞犬各隨呼
農耕半嶺如僧衲牧跨羸牛似畫圖
官守投閒省墳柏滿林霜露涕沾濡

出郭二十里依山八九家茅岡風卷燒土井雨推沙凍
蝶依殘菊幽禽立卧槎路邊桃李木猶發小春花

惜菊

碧玉枝條手自分花開晚節最憐君斜簪短髮能迴老
滿泛清樽要助醺著雨半荒猶爛漫繞欄三嗅倍氤氲
更收殘藥縫為枕長得好香深夜聞

西齋冬夕

平生疎野得江湖歲暮西齋擁一爐雨滴空堦如自語

風吹長木更相呼
世間寵辱收棋局
樓上光陰入酒壺
近日睡時全少夢
攀緣狂想自知無

冬夕即席作

燭滴胡桃淚
香蟠春蚓灰
酒花隨煖聚
酥蘂帶寒開
自有清歌送
惟聞畫角催
隔簾疑曉色
雪壓數枝梅

至日作

年光吹盡任飛灰
且慶舒長舉壽杯
積晦彌旬三尺雨
新陽半夜一聲雷
家人環坐相酬勸
賀客先期戒往來

熟醉騰騰成小睡晚寒更起恥殘罍

小菴初成奉酬元師

伐竹誅茅挂織蒲半規小榻一方爐不隨健鶻摩空去
且免窮猿失木呼自有琴書增道氣別開世界在仙壺
幽人欲到知何意若說真菴彼豈無

口占

東皇旌節下蓬壺一夕芳菲徧海隅紅破露花將引蝶
綠深烟柳已藏烏異鄉旅食頻年久故國風光此日殊

常是登高牽望眼醉吟今喜在江湖

寄常父

紅蓮綠水本優游清絕東南七寶州見說新書亦多事
每聞沿檄少歸休少年共計駒千里末路堪嗟貉一丘
正是江邊桃李月雞鳴度曲寄離憂

和劉江寧韻送張天覺同年三首

傾盖逢吾喜開樽為子斟笑談天下事忠義古人心戰
翼丹霄遠藏鱗赤壁深彈冠行且起朝列遲華簪

酒可平孤悶無辭滿滿斟劍橫牛斗氣松抱雪霜心澤
國波濤壯春天霧雨深清哀記風采白筆舊曾簪
戲挹東溟水期將北斗斟大鵬誰振翼老鶴未償心卷
箔江天靜停檣野岸深晨羞聊一飽荻筍正如簪

寄題蕭升之姨夫竹軒

開軒君子意種竹歲寒心高節凌雲秀孤根得地深秋
暄溪上雨暝宿嶺頭禽預約疏三徑他時伴醉吟

席上送孫知損通直廣東漕

度峽經瀧行路難嶺猿越鳥避旌竿身從日下恩光暖
聲落天南暑氣寒事國以忠寧計遠與人為福莫如安
觀公才大宜高位豈復區區久外官

春晚遣興

紛紛柳絮入簾飛正是酴醾花發時
斷送日長惟有睡
留連春去可無詩
狂鞭迸筍偏當戶
綠葉成陰巧覆墀
百舌聲中斜照晚
脩然衰鬢任風吹

上巳飲於湖上

城南春已老湖上雨初晴草作忘憂綠風為解愠清楊
花輕欲下菱葉細方生酒影低雲木歌聲伴畫鷁賞心
殘藥在幽曲小舟橫却笑蘭亭會吟詩半不成

口占

積水深踰丈高林繞若城蝦蟆朝合吹鸛鵒夜傳更難
轉長沙袖空塵孺子纓生涯吾尚闕浥浥羨農耕

寄題蕭文照閣

虛明敞高閣清淺對方塘軒冕忘懷久江湖寓興長紅

葉開細雨白鳥下殘陽不挂人間事逍遙自一鄉

謝郊正甫

當年輦轂參農正今日江湖望歲星冷局自安心有素
故人相後眼偏青幅巾舒散殊官屬華袞騰驤入帝庭
一薦未為門下德荷公敦篤好忘形

送周文之主簿

俊逸駒千里孤高桂一枝清才比栖棘餘事付枯棋小
邑今官滿當塗半已知揚舲發江浦策馬望京師待詔

須金馬支床笑玉龜都塵亦可畏莫遣素衣緇

夏日游湖亭

漫漫湖水拍堤浮欲到南亭泛小舟平日登臨如別境
後來語笑尚中流採菱斫鯉皆新美賭酒圍棋自獻酬
對面火雲高萬丈誰知此地有清秋

倦夜

滅燭恐招蚊迎風罷掩門讀書都已廢就枕益加煩缺
月籠烟淡羣星帶暑昏徐行得住處荷葉滿南軒

與張子明飲湖亭

小艇衝湖過幽亭枕水虛
風來荷氣外人在木陰餘濕
印開新酒長茭族貫魚遙看
鶴歸處便是謫仙居

大暑

澤國已炎暑夏天仍永朝
炙床爐燄熾薰野水波搖飛
鳥不敢度鳴蟬應自焦可憐
花葉好顚顚苦霜凋

入山馬上口占

奕奕秋光照眼明野香山秀
互相迎路穿蒙密無人見

天借陰涼助我行小竇濺流如貝玉松風疎韻作韶莖
一重一掄塵埃遠故比城中分外清

再用元韻呈熊伯通

一望膺門眼已明欣然倒屣辱公迎林泉真作仙人宅
杖屨容叅長者行道論風生揮玉麈渴心塵積飲金莖
忽忽短棹依城去連日西齋夢寐清

寄熊伯通

南山九疊勢干霄中有長松蔭寸苗好景常聞太平觀

謫仙更住上清橋
風吹石徑秋聲早
泉落雲根暑氣消
方外相期蒙雅眷
只應心隱不須招

再用霄字韻

豁然披霧睹青霄
沛若為霖洒旱苗
身逐歸雲朝徯洞
心隨流水暮縈橋
人情不用相輕重
物理從來互長消
器業如公合廊廟
佇聞尺一有嘉招

初伏夜坐

露坐已侵夜
炎威猶未收
何言百蟲噪
無故一星流
苦

渴須漿解微涼以扇求煩冰是今日堆玉想神州

池上作

寂歷人初定逍遙物已齊夜涼天似水月在小橋西

午眠

雨盪炎天氣風生喬木陰清涼一枕睡勝得萬黃金

早秋

一雨洗煩熯涼風開早秋散行身覺快甘寢夢相求已
作黃花意誰為墮葉愁南山青似染準擬更登樓

七夕

高列爪華結綵樓半空燈燭照清秋祇應用盡人間巧
更欲遠從天上求

送馬朝請使廣西

海水揚波今合清秋風千里使華行言皆有道非徒發
事若無心更不生談笑從容懷遠俗琴書瀟灑寄高情
佇聞靜勝諸蠻服何必樓船十萬兵

八月十六日翫月

團團冰鏡吐清輝今夜何如昨夜時只恐月光無好惡
自憐人意有盈虧風摩露洗非常潔地濶天高是處宜
百尺曹亭吾獨有更教玉筵倚欄吹

送郭明叔任分寧

西安瀟洒我常游去自脩川泛小舟民本豐饒矜氣節
士多儒雅出公侯梅山晚翠屏當戶茶井春芽雪滿甌
預想弦歌富閒暇白雲深倚鳳凰樓

送提舉太平觀熊舍人

未歸西掖掌絲綸且面南譙作守臣三已何嘗觀愠色
一鳴從此却驚人朱轡暫去求民瘼黃闥行當秉國鈞
記取廬山公舊隱幾多草木待青春

江州幾日到滁州風送征帆暮不收幽谷水聲先入夢
爐峯山色遠隨舟素無公事多閒暇當有新詩自唱酬
寂寞舊居誰復顧桂花深鎖一堂秋

高才喻蜀策攜羌凜凜威名動四方裁正稷宮新法度
發揮詞掖好文章暫還紬府烟霞冷却上青霄道路長

寄語吏民休浪喜使君寧久在滁陽

熊伯通阻風未發拏舟就謁留飲數杯

清晨已送君南浦薄暮未行天北風此別謾言千里遠
笑談還此一樽同鐵山重叠雲垂地玉馬騰驤浪駕空
涉險臨危須自戒且維舟楫莫怱怱

送沈行奉議赴辟陝西

除詔移關陝征途半斗牛落帆江浦月躍馬戍垣秋
嶺霜吹劍龍堆雪點裘兵家破竹勢幕府湧泉謀且作

從軍樂安知出塞愁觀公頗豐下努力取封侯

送覺茲住鳳山

十年虎谿老却上羌山岑今回江西去與人傳法音谷
虛聊應物雲出本無心猿鶴空相怨舊菴松檜深

九月十八日作

秋來常苦熱今日令方行浩浩風吹木冥冥雨壓城薄
寒如解愠殘序亦闕情曉鏡須驚老催人白髮生

蘇子由寄題小菴詩用元韻和

官身粗應三錢府吏隱聊開一草菴擁砌幽篁如月映
覆簷喬木與天叅畏人自比藏頭雉老世今同作蛹蠶
豈獨忘言兼閉息舌津晨漱不勝甘

陶寺丞挽詩

清德如彭澤高名繼隱居弦歌非我志泉石愛吾廬世
事冥心外門風積慶餘魚軒偕鶴髮歸塋引雙車

黃道士求詩戲為口號贈之

黃君有術吾將面不似尋常問進身二頃良田數間屋

幾時得作一閒人

冬晝作

霜陰收欲盡斑駁意初晴漸喜山將出只愁雲更生鳥
窺晡後屋雞唱午間城灰拆紅爐火微煎傍耳鳴

十一月

欲雪還成雨垂霜却變陰封疆五嶺近甲子二冬深密
葉猶低戶微風尚快襟松筠雜蕭艾都有歲寒心

冬曉

欽定四庫全書

城上猶吹角官廳已罷更粗疎知我性懶惰亦人情入
被嚴霜冷橫牕半月明翻身更甘寢雞唱第三聲

正月三日唐林夫舟中醉題

屢伏青蒲地嘗登羣玉山家貧甘遠適道直得生還瘴
癘謳吟外風波笑傲間今朝一樽酒萬事付酡顏

四日郡集於景德寺

冷鐸殘香僧舍開斜風細雨坐中來使君豈是憎歌舞

自出胡琴送酒杯

是日督闕使者錢公在焉著令禁樂公家有妾善胡琴彈以娛賓

馬上口占

澗底泉初動山頭雪尚深凍條桑破眼燒地草抽心搖
落殊非昔芳菲想自今浮雲多意思已解作春陰

守倅自開元觀食起欲往黜極宮道過余之家園
乃屈同游太守自以為能知地形余故議卜居
之處也以詩謝焉

東已窺丹井西將造嘿軒半途留使騎枉道至家園敗
葉深埋砌清陰密擁門生涯為廢宅景物似荒村經始

慙謀拙臨軒肯屈尊竹間煩佇立高誼見公存

據案小睡

春氣已回人困頓雨聲不斷夜潺湲四支退食昏如醉
兩眼看書澀有烟散帙橫經那肯讀埋頭曲肘即成眠
只愁稚子窺吾懶豈畏諸公誚腹便

南軒

細雨紛紛不見山
卷簾烟景畫圖間
一池春水風吹皺
戲鳴鳴鷗作隊閒

戲為難韻同官和之

稚柳將成綠殘梅尚有柎破春寒料峭送晚角暗鳴地
僻閒賓榻泥深隔酒壚此時愁寂寞幽悶寄操觚

賈誼

措置由來有後先運行無跡盡觀天色黃數五疑非急
此事知君正少年

子瞻子由各有寄題小斧詩却用元韻和呈

二公俊軌皆千里兩首新詩寄一菴大隱市朝希柱史

好奇兄弟有岑叅雪天凍坐癡于雀兩夕春眠困若蠶
不是本來忘世味便投閒寂亦難甘

久雨不止二月半以勑醺廬山真君殿入夜星月

皎然

連朝苦陰雨入夜月華新清醺今當夕真君信有神燈
光想如晝香氣自生春水旱多為害當思今為民

寄題蕭丈止亭

削跡忘當世開亭枕近郊情非惡冕紱樂不似衡茅靜

看雲歸岫閒知鶴在巢春風動幽興植杖數花苞

春夜

酒醒殘月在西廂悄悄重城春夜長何物與人清意思
瑞香花發一亭香

和經父寄張績

蕭蕭木落洞庭湖一葉扁舟盡室居吾道已衰投直筆
人情難合卷長裾重輕自繫朝廷勢褒貶猶存史策書
所遇于天皆有分未將鯢鮒羨鯨魚

阻風呈經父

風響翻空若疾雷舟行值此頗淹回坐看鷗鷺浮波去
近見蛟龍帶雨來春色未還江上柳雪香誰寄嶺頭梅
欲收美景陪清唱恨乏當時子建才

詠橘

以小能行大天機寄物形沿流最有助深壑屢嘗經迅
速功無比謳鴉韻可聽江空插羽翼水府散雷霆駕浪
來湘浦搖風過洞庭侵凌秋島霧破碎暮灣星雁鷺驚

羣起蛟龍睡一醒浩然乘此興東去絕滄溟

詠枕

厥初誰創物似此亦難求擺合千尋浪回旋萬斛舟行
如一卧扇力敵九羗牛出没居相半東西勢自由高風
當絕倚淺瀨亦徐收軋軋微鳴曉戔戔迥浸秋隨灣掉
轉尾避石掣開頭自有施功地何嘗厭下流

至日阻風飲於轉運行衙呈經父

杜渚停風棹華堂置酒壺雲低岳陽市雪滿洞庭湖醉



眼看梅藥歡心合棣柎去年今夕夢江國面京都

和經父寄張績

解縱梟鴟啄鳳凰天心似此亦難詳但知斬馬憑孤劍
豈為摧車避太行得者折腰猶下列失之垂翅合南翔
不如長揖塵埃去同老逍遙物外鄉

半通官職萬人才卷蓄經綸未得開鸞鳳託巢雖枳棘
神仙定籍已蓬萊但存漆室葵心在莫學荆山玉淚哀
倚伏萬端寧有定塞翁失馬尚歸來

和經父登黃鶴樓

複靄重沙望不窮，坐收千里一樽中。
中天邊江漢波濤濶，地下神仙窟宅通。
窓影偷來湓浦白，簷光飛入沔城紅。
豁然已盡登臨興，雲閣章亭謾在東。

詠冰

厚薄因風結，方圓隨器成。
黃河白馬渡，大澤老狐行。
暖曲流雲液，隅梵晃水精。
皎然心一寸，願比玉壺清。

詠網

已向晴漪下還于晚架張鱗餘銀皎皎目帶淚浪浪細
入詩人詠輕隨釣叟裝結繩相效久遺象本歸藏

瑞香花

去年荆楚賞芳菲今歲江淮水渺瀰綠髮方當少壯日
清樽不負艷陽時風波此去猶千里桃杏何緣見一枝
獨有瑞香花兩檻遠將春色自相隨

李白祠堂

灑落風標真謫仙精神猶恐筆難傳文章若出斯人手

壯浪雄豪一自然

太白之精出李白詩中元帥酒家豪軒然眉目已如此
況著當年宮錦袍

雙頭牡丹

牡丹意態已無窮況是連房鬪淺紅曉色競開雙萼上
春光分占一枝中娥英窈窕臨湘浦姊妹輕盈倚漢宮
只為多嬌便相妬芳心相隔不相同

寄經父

借問東來常太晚，富春亭下艤扁舟。
陰天漠漠行梅雨，寒色蕭蕭報麥秋。
曲渚浪平猶未渡，隔江風緊不勝愁。
此中望斷相思眼，家在蓬萊更倚樓。

選官圖口號

環合官圖展觀呼，象子圓飛騰隨八赤。
摧折在雙玄已貴，翻投裔將薨却上天。
須臾文換武俄頃，後馳先錯雜賢愚品。
偏頗造化權望移，情欲脫患失膽俱懸。
愠色觀三已，豪心待九遷。寧知即罷局榮辱兩茫然。



欽定四庫全書



清江三孔集

三

清江三孔集卷二十三

欽定四庫全書

集部

清江三孔集卷二十四
五

詳校官中書

臣張經田

助教

臣常循覆勘

總校官知縣

臣楊懋珩

校對官助教

臣蔡鎮

謄錄監生

臣何照隣

欽定四庫全書

清江三孔集卷二十四

宋 孔平仲 撰

今體詩

熙寧四年中秋

月滿光尤好秋殷氣更清
頻年苦陰雨此夜獨清明
後閣羅甥妹前堂合弟兄
團圓最相稱盡飲至更深

和舍弟送行至密州

一覽鳳凰句況當鴻鴈秋雲山回倦首烟雨上扁舟土
俗京東陋官居學舍幽蓬萊醉中夢尋我海邊州

次韻和常父發越州

北堂相送出城西忍見臨分獨自歸日暮荒村一回首
秋風吹涕各沾衣水通鑑曲行將盡山似稽陰認却非
薄宦牽攀不得已此心何以報春暉

渡浙江未得

辭家已四日三日雨兼風海水飛天上江雲入坐中愁

腸寒更結歸夢濕難通未有淹留恨封圻尚淞東

西興

舟行頗濡滯累日驛前溪大雨翻盆盍狂風作鼓鼙兩
潮空朝晚一水限東西憶昔游湖棹新晴傍會稽

懷越

城隍壓高峻樓觀抱青蒼東磴迎風細西池引步長蓬
萊山刻畫清白水甘香海內行幾半茲遊最不忘

次韻和常父渡江寄經父

金
卷二十四
江風初息浪花低
軋軋扁舟犯曉雞
想得蓬萊秋睡覺
煖寒方索玉東西

開新湖

湖應與海接
歲暮水猶多
淨色平蒼野
餘香積敗荷
舟行依累石
鳧起散圓波
誰似漁翁樂
鳴榔作楚歌

題清斯堂

河流與淮接
於此一堂成
水色已可愛
主人心更清
魚潛晚日靜
柳落秋空明
本自無塵土
何須歌濯纓

發山陽

黃昏飲官酒半夜解扁舟
鉤簾得清景風月蒲淮流
天垂與波接野靜更烟浮
深有乘槎興銀河或可求

送登州太守出城馬上作

怱怱送客出城闌
霜意方高日漸醺
青嶂倚空先有雪
黃沙匝地半和雲
旌旗明滅隨車遠
鼓角悲涼隔水聞
正是無憀一回首
兩行白馬映紅裙

呈夢錫節推林思永察推

崎嶇寒苦遠騰裝喜得高才共此方當以清談銷日月
更將和氣敵冰霜堂前絳帳慙容迹幕下紅蓮幸借香
閒夕肯來相伴否小窓殘燭厭更長

適值劉從道供奉往信陽鎮用前韻送之

君馬匆匆赴信陽雖云同郡似它方村沙卷盡黃昏日
海水吹成半夜霜別恨不須青草色歸期當及小桃香
閒官冷局遙相望兩覺迢迢歲月長

君約春中
還城下

夢錫同遊賀園題詩云誰知清淡者冬月亦登臨

寒景崢嶸歲已深誰知清淡亦登臨
雨吹廢館苔添暈
霜落空城樹減陰
向曉旋留題葉句
隔年先有探花心
相期紅藥濃開日
一醉東風費萬金

新作書室夢錫示詩羨其清坐

新闢西垣小室成
開編靜得古人情
崢嶸老柏寒尤健
窈窕幽窓雪更明
我愧濫巾居此地
君能傾蓋似平生
篇詩何必深相羨
淥水芙蓉豈不清

呈幕客

夜雨曉未歇清寒侵客顏雲昏天帶海風濶地無山蓮
幕君籌畫茅齋我閉關新書正多事何幸擁爐閒

寄從道

相逢苦不早相別又匆匆祖席侵華燭征車傍北風車
斜酬唱闕爾汝笑談空遙想支頤處孤村海霧中

晚晴見雪呈夢錫

東北風聲急西南日景斜斷雲方散錦飛雪忽成花見
落初猶少量深久漸加遠天明映玉晴地濕團沙浩蕩

隨陰氣須臾變水華清輝迷粉蝶寒色帶昏鴉又是流
年暮同居滄海涯寂寥求自遣小詠寄詩家

立春

春風不擇地亦到海邊城衮衮衣冠會喧喧鼓吹迎為
牛一何苦舉世盡相爭旅客心偏靜停杯想耦耕

春雪

纔喜春風昨夜歸凌晨又見雪飄衣綴林似借梅花落
撲地爭先柳絮飛寒氣却迴侵暖律陰雲徐上蔽晴暉

近來四序皆無主欲向東皇問是非

正月十四夜

都人行正樂天氣忽微陰盡恐明朝雪如何此夕心輪
蹄迷道遠鼓吹亂更深我獨甘幽靜青燈照苦吟

十五夜

今宵好元夕去歲大豐年委巷通車馬高臺奏管絃燈
光照人暖月色為時圓此樂真難得無辭酒滿船

十六夜

明夜更無今夜燈
都人為此不勝情
皆愁隔歲期猶遠
共約追歡直到明
君飲露臺春易醉
我眠書館月同清
東風亦有相撩意
夢覺猶傳絃管聲

春陽

春陽已出地
冰雪尚崢嶸
半作泥塗濕
尤妨車馬行
溪流成小派
海氣亂新晴
湮鬱須披豁
誰同上古城

古來

古來豪俊起大半
在山東甚矣承平久
蕭然武備空封

疆瀕朔漠士卒戍西戎器械悟兒戲城隍駭土功朝廷
急掃散草莽許輸忠元恨天門遠無由半策通

次韻和常父

卧龍當日醉吟身冷落天涯一旅人早夕思親增悵望
嘯歌懷古更愁辛角吹海上千山月草入江南萬里春
欲去尚留心未決夢魂長在越谿濱

赴官並出江湖上講學聯居海岱中會合尤嗟別離促
音書何似笑言同黃鸝度曲爭催曉紅杏薰香半倚風

景物佳時憶相見恨無雙翅逐飛鴻

寄常父

歷城未到已嘗聞文綵魚鹽市不貧修里山川齊故地
百年風俗舜遺民泉聲滑滑長如雨海氣昏昏晚得春
北渚環波皆好景為兄詩筆長精神

春色最佳呈夢錫

小雨初收物象新日華徐上氣氤氲欲知春色最佳處
萬里青山無片雲

探遍名園花未紅
高臺極目興何窮
欲知春色最佳處
盡在綠楊深淺中

紅日遲遲晝未央
北窓高枕傲羲皇
欲知春色最佳處
啼鳥一聲幽夢長

春閨六言

夢回紅玉孤枕日上
真珠半簾雲彩陰晴不定
柳梢濃淡相無鴈柱怨憑曲
寄獸爐愁逐香添更倚危樓目斷
却訴東風淚沾

燕子舞開煙綠杜鵑啼破花紅滿地夕陽芳草有時細
雨斜風錦帳尚寒夢短彩牋雖遠情通淚痕染在襟上
愁緒織向機中

登資聖閣

平時嘗仰望今日一登臨海岱封疆小乾坤氣象深廢
城增古意疊嶂起詩心遠目方馳騁春雲還自陰

上巳

上巳陪游騎城南俯落暉溪山俱可愛花木自相依佳

節雖行樂他邦未得歸
蘭亭應禊飲回首白雲飛

八日

花下飲餘留晚轡
溪邊行處把春衫
東風作惡波微起
不得移舟滴水巖

寄常父

繚繞龍山半
府陰春來漂泊阻
登臨蓬萊閣下花多少
清曠亭前水淺深
暮靄漫天迷望目
東風絕海送歸心
新詩亦有思家意
應記當年共醉吟

行香

枕上杜鵑啼忽忽早起時出行天未曉月在杏花枝

次韻和昌齡落梅

玉摧繁艷蕙消香漸見園林綠葉光莫謂春風少情思
為君開徧萬紅芳

登賀園高亭

東武名園數賀家更於高處望春華深紅淺白知多少
直到南山盡是花

戲促二幕客

寄語紅蓮幕當歌金縷衣探春曾有約今日已春歸

晝眠呈夢錫

百忙之際一閒身更有高眠可詫君春入四支濃似酒
風吹孤夢亂如雲諸生弦誦何妨靜滿席圖書不廢勤
向晚欠伸徐出戶落花簾外自紛紛

初食牂牁菜

九仙山中牂牁菜幾日春風長綠苗有客提攜到深巷

自言采掇下青霄口嘗異味雖珍美目斷孤雲却寂寥
千里思親不獨飽慨然食罷一長謠

呈王子高殿丞

天上人間事不同相思何日却相逢芙蓉城在蓬萊外
海濶波深千萬重

接通判於邱氏園園人獻牡丹太守不收余私取
其絕好者以歸

薄暮歸來何所攜牡丹初翦半開時濃香盛色俱堪愛

占得春風第一枝

兄長寄五詩依韻和寄詩各有所懷

憶昔西尋山下園芙蓉香裏醉頽然幽篁迸筍無餘地
老木交陰不計年徹幕旋迎秦望雨汎杯旁引鑑湖泉
舊遊寂寞今誰到應有秋苔長綠錢

懷西園

昔同訪客到山陰馬上相隨不廢吟平視溪流綠煙遠
回看府宅白雲深紛紛落塵陪高論艷艷浮蛆勸滿斟
賓主如今各分散詩成長詠作吳音

懷山陰館
謂沈司封

蓬萊彼此一閒身把酒臨風送晚春城邑萬家供氣象
湖山千里助精神深林鳥語留連客野徑花香著莫人
今日天涯共悵歸心夜夜轉車輪

懷蓬萊閣

憶昔幽尋到井儀繁花落盡綠陰時雲迷步武多相失
風入襟懷只自知金斗倒垂交勸飲玉蟾分面各題詩
淋浪醉墨留西壁好事於今刻作碑

懷井儀堂

昔尋小隱到王家早出歸時逼晚衙勝奕高亭弄紋局
擷芳深徑採新茶竹邊雲過陰相得蓮外風來氣益嘉

夜坐西堂有餘興解醒更進一銀瓜

懷王家小隱莊莊有勝奕亭櫺芳徑

郡聚

幕府多閒暇城臺避鬱蒸金杯揮落日銀椀嚼寒冰
老婦歌猶好雙鬟舞最能深宵紅燭短坐客醉忘興

正月七夜飲節之廨舍

草草杯盤具喧喧笑語親浩歌回白雪醉眼失青春
梨栗無遺顆肴饅屢乞隣頽然極樂際心迹兩俱泯

六月五日

灑汗通宵已廢眠起來猶覺眼生煙
黃埃滾滾人行地赤氣騰騰日出天
紉扇急揮風亦熱銀瓶空掛井無泉
狂心於此思霜雪安得師文扣羽絃

喜雨上太守

曾佩金章禱象龍滂沱飛雨出無窮
泰山吐霧連朝暗東海驅波半夜空
壘壓炎蒸民少病潤流枯涸歲將豐
黃堂下視相歡意助以袁宏一扇風

晚霽

夜雨百泉響晚晴風報秋雲歸青山去水入平川流疫
癘且不作稻梁行亦稠吾徒今則喜向者為民憂

雙門

崔嵬城闕倚雲端萬里天風襟袖間更有清涼無限意
坐看飛雨出南山

送蔡充道赴密院召

彈劍常為猛虎吟掃除氛祲丈夫心人留海上煙花老
夢入塞垣冰雪深千里樞庭馳召節幾年家府探歸音

此行儻未封侯貴一策猶能綰萬金

寄常父

六月涼泉聲似雨千家脩竹勢凌雲齊州瀟灑共閒暇
洗耳清流對此君

紅蓼最宜秋雨濕綠槐無奈晚風吹向來不用憂煩暑
庭戶清涼自有詩

七月二十六日

蘄州小簾琴光枕學館無人日午時睡去沈酣本避暑

夢迴展轉却添疲
倏忽雲雷出天意
清涼風雨報秋思
世間此味宜無比
只說羲皇已自卑

謝夢錫見臨

雪月交光夜正寒
何人相伴語更闌
惟君枉駕時能慰
令我幽居意解歡
小僕旋來熒火燭
病妻無力治盃盤
清談已倦還觀史
冷淡相看不厭難

送張通判

清若冰壺斷若金
孜孜常見恤民深
三年佐郡神明政

一旦歸朝父老心遺愛海波無斷處去思秋色有餘陰
臨行曲為留旬日少慰攀轅淚滿襟

西行

繚繞西行入亂山白雲深處據征鞍
蒼花著雨相爭秀棗頰迎陽一半丹
鞅掌未能逃物役乾坤何處託身安
莒臺東嚮情無限那更秋風作暮寒

荆林館

古木森然滿驛庭繁陰凌亂月分明
千枝萬葉誰拘管

攪作秋風一片聲

馬上

秋山剥棗熟野水漚麻香
鳥倦投空木蟬悲送夕陽去
程猶未幾歸興一何長
應為西齋睡疎慵意不忘

近兗

龜蒙山上泉如湧
白石河邊雨已流
喬木烟深迷故國
黃蘆風急戰高秋
新科一變人方銳
舊學都忘我可羞
驅馬遠來徒自苦
敢將衡鑑定三州

毛陽

客路方投轡郵亭獨掩門無人共燈火秋雨更黃昏

次韻和張道濟長老立秋後作

萬里悄然若有霜南山秋色兩蒼蒼已經晚雨驅除熱
更得西風斷送涼瀚海人空雲弄白吳江波濶葉吹黃

知君昨夜書帷夢半在親庭半在鄉

君蘓人
親在秦

飲夢錫官舍出文君西子小小畫真

西施蘇小卓文君畫筆相傳窈窕真雖有金珠并粉黛

恨無笑語與精神一罇美酒留連客千載芳魂著莫人
醉眼恍然迷不覺自慚心地尚埃塵

走筆

霽雪如泉滴荒城作阜遮買猿裘野景插柳待春華終
日開黃卷諸生望絳紗王官勸奔走何幸獨安家

種竹禁當雪栽花準擬春詩書最閒局寢食自由身
外音題數齊州問訊頻郵筒煩郡縣此外不干人

觸目方多事栖身獨此堂窗迎先得日簷送曉留霜散

漫背書帙逍遙或道裴牆東雖可隱林下未能忘

寄常父二首

欲和來詩詩未就恍然心在歷山陽寒燈一點靜相照
風雪打窗冬夜長

不得家書又幾朝思親夢斷不堪招欲歸每恨川途遠
久客空驚歲月消雪意尚濃雲黯淡角聲吹絕晚蕭條
相看惟有兄相近回首時能憫寂寥

送董少卿

莊重邦之望疏明衆所欽守符頻握虎使節屢頒金天子東
州幸時蒙皂蓋臨名卿鎮以靜循吏見於今豈弟民無擾廉隅
俗不侵清樽但談宴和氣入謳吟盛德推先進高懷在直尋
兩忘兼寵辱一笑寄浮沈積雪留行色朱輪挽去音夢回雙闕
表愛結水棠陰賤子非良器經年託泮林清暉瞻畫戟諄誨
俯華簪與進恩尤厚臨分戀最深送公無外飾終始古人心

哦亭

點點花芽撥草根深春終日在東園烟筠冉冉陰相亂

燕雀啾啾語自繁
倚伏萬端寧有定
是非一致亦何言
誰能伴我哦亭上
爛漫同斟濁酒樽

中和節

二月中和節
海邊猶積陰
風雷失春信
霜雪損花心
挾纊誰能禦
圍爐興愈深
寒暄地氣異
故國想如今

晨興

清閒薄體不成眠
起步庭除思悄然
正是雨晴寒食夜
杏花枝上月嬋娟

以事往齊州初發密

忽忽行色犯晨鷄起見荒坡落月低
多謝使君相送厚已將歌舞出城西

折柳亭

楊柳已藏鴉高亭望物華
平時常送客此日自離家
別酒杯何滿征途日欲斜
醉行三十里春思滿鶯花

里伏驛

去家一日已思家
浩渺歸期未有涯
滿眼春風最多恨

無言似笑小桃花

將至青州

磅礴西南萬疊山屈盤飛舞意相關天形地勢俱雄壯
人指青州在此間

青州席上

笙歌相引入東園二月青州花正繁銀幕四圍香獸暖
繡茵十幅舞靴翻游人見此心應樂野客頽然思已煩
向晚凭欄得瀟灑狂風吹雨出雲門

馬上小睡

夾路桃花眼自醉昏昏不覺據鞍眠覺來已失初時景
流水青山忽滿前

王舍人莊

西出齊州似不遠晚留逆旅尚徘徊泰山一夜興雲雨
洗耳流泉待我來

上曾子固

海邦窮僻想知音足馬春風入岱陰千里山川忘道遠

一門兄弟辱恩深
發揚底滯先生德
振拔崎嶇長者心
更以詩篇壯行色
東歸勝挾萬黃金

和常父見寄

濟南風物稱閒官
兄弟偕遊意益歡
幽圃水聲從地涌
畫橋山色逼人寒
別來夢想猶相接
他處塵埃不足觀
寂寞東齋又經夏
落花新葉共誰看

呈夢錫

結綬本何意
浩歌今欲歸
從君卧病去
使我出門希
燕

領新雛出鵝盤落景飛何時起相見一笑兩忘機

銀河詠

江湖有客卧孤城每見銀河眼亦明
萬里長風吹不斷一番微雨洗尤清
星辰白石參差亂雲氣飛梁倏忽生
織女東西波浪隔夜寒天濶不勝情

學舍

簿領如焚處處忙日華偏向此中長
吟餘林表孤雲改夢覺窓間小雨涼
珮玉上趨承斗極棹歌深入釣滄浪

何如瀟灑詩書局不在山林不廟堂

風雨有秋色率然成小詩呈道濟長官

學館人歸靜若山久陰海濕上衣冠
酣酣雨意牽愁遠颯颯秋聲吹夢寒
竹笋解包堆屋角蓼花抽穗出牆端
此時最憶吳江上千頃煙波一釣竿

游田氏池亭

磅礴青山入望長古城東下見回塘
雲陰更雜梧桐影野氣仍連菡萏香
久處塵埃思浣濯忽逢虛曠自清涼

主人華髮能談笑猶撫歸鞍恨夕陽

雨中戲夢錫

雲橫金嶺迷驅轍水溢沂河卷斷梁
預祝愁霖貫秋序
留君行色到重陽

寄常父

秋風又搖落歷下意何如學館人歸後
山城月上初東
西各引領咫尺但通書難共重陽醉黃
花日向疎

白日

白日無所適况茲秋夜深青燈可自照缺月強相侵
纓觀時事崎嶇見俗心退藏無乃幸矍起捧吾襟

餞夢錫於折柳亭醉中倚柱

折柳亭邊柳已衰送行猶拗最高枝西風黃葉蕭蕭地
多少傷心為別離

楊慎之著作孫正甫推官歐陽甫長官隨詔使東
來併會齋中

故人得會合况復有鄉閭靜失秋天幕幽忘海上居留

連且徹曉分散即如初笑語同燈火還思遠寄書

經社

經社無甘雨深秋已肅霜鋤犁心最切年麥事尤妨比
屋何緣飽天行固不常自吾來此土連歲見豐穰

熙寧口號

日坐明堂講太平時聞深詔下青冥數重遣使詢新法
四面興師翦不庭

萬戶康寧五穀豐江淮相接至山東須知錫福由京邑

天子新成太一宮

祇因闕落久紛紛砥礪廉隅自聖君能使普天無賄賂
此風曠古未嘗聞

近聞寇盜理戈艾太府輸金入大爐百鍊剛刀斫西夏
萬鈞強弩射單于

百姓命懸三尺法千秋誰恤兩端情近聞崇尚刑名學
陛下之心乃好生

大風

不雨今已久北風還起埃聲塞海嶽動寒挾雪霜來落
羽高千丈脩筠折幾枚未應由虎肅吾欲訟奔雷

新霜

皎皎寒月白清晨霜滿林萌芽至今日肅殺爾何心入
水成冰暈迷天作雪陰自茲開火閣却坐小窓深

寄常父

海上窮秋白日陰霜飈獵獵稍相侵手持黃菊江南意
目送征鴻萬里心每想清談真麗矚欲彈流水少知音

東山兄弟非難繼誰敢先為招隱吟

十月旦懷夢錫

去歲闕爐郡中起芙蓉幕下醉相邀今年兩事俱蕭索
白日孤城轉寂寥緣飾新茶烹下鳳咨嗟名畫展蒼鵬
長篇藁出依然在千里思君不可招

知郡姚駕部十月三生日

冰為清潔玉為淳籍籍名家第一人皂蓋已頒東郡政
綵衣猶侍北堂親遐年此去隨長景和氣生來得少春

何以獻公今日壽仙山不朽海無津

寄板橋卞進之主簿

以才牽挽自由身歲暮無家寄海濱
擾擾滿前人一把紛紛趨事抱千鈞
風掀駝島波聲壯雲倚蓬山雪意新
回首高城已搖落菊花羞逼小陽春

步日

步日問吾影汝何為此留天寒歲云暮
地僻海之隅涉世心彌壯逢人語或收
蛟龍得雲雨千丈拔靈湫

寄蕭虛中

平川搯袂屢星霜楚尾畿東各一鄉
安得使風傳訊問只應明月共輝光
茅齋夜出猶能記古觀秋吟最不忘
近日詩成無和者思君才俊似青楊

蜀夜

徘徊想此夜夜長猶未眠出門還復入
無語月空圓

晨雨

經秋久不雨既雨亦紛紛氣入書帷煖
聲從屋瓦聞問

人疑落霰出戶見行雲亭午全開霽青山遠可分

訪道濟

出門已晚鼓訪客傍西城無事詩書局相過僚友情風
來稍塵暗日落更寒生歸路逢燈火喧喧馬屢驚

月夜

出戶憐清影循除擁敝裘霜寒方午夜月色似中秋丹
桂何常有姮娥為我留竹陰如壁畫更助眼前幽

寄常父

台州與京邑中有泰山陰誰謂三隅遠長分一寸心南
陔戒已舊棠棣興尤深思作團圓計囊無買舍金

再用前意

台州雲海濶梁苑雪天低地隔書來少心分夢去迷惟
兄最鄰近同路隔東西常欲投簪笏相招傍虎溪

雨中

江南梅已熟塞北杏初黃颯颯連朝雨蕭蕭滿眼涼海
山陰不斷節物意何長坐想蕭灘景烟波對渺茫

試墨

長夏人雖厭茲晨物所遭鳴蜩抱枝急新燕出巢高衣
葛寧嫌薄驅蚊亦憚勞時時得一雨蒸濕地生毛

有感時夢錫尋醫而思求免官

去歲城門坐徹晚前年火閣飯連宵當時已是嫌羈束
今日那堪轉寂寥綠水紅蓮非舊客清風明月想同寮
不知比我離高密誰向長亭折柳條

久雨

一日三日雨雨中有青天未能舒駿韃何苦弄潺湲卷
海長風裏傾河白日邊泥鳴萬丸躍瓦破百繩穿鳥雀
深依舍蛟龍痛着鞭醉陰昏翠巘走濁亂青川急灑隨
奔電餘霏倚斷煙興居愁濕熱行步阻流泉閤僕衣為
障看兒板作船稍移茶近火更使帶添絲僻陋無人迹
幽閒足晝眠夢回聞點滴垂晚興蕭然

酬聶察推

昔年隨宦在筠陽總角頻趨數仞牆綠水近經王儉府

錦衣今見買臣鄉能談舊事情何厚忽枉新詩味更長
閤里優游正多暇幸君時訪讀書堂

食冰

又見頒冰出曾看白雪收清輝分積玉爽氣忽高秋盡
室雖同享吾親獨異州淮南地卑濕安得代蘭羞

郡聚

促坐留賓醉傳呼放晚衙門庭少公事節物正秋華齋
釀新筍美官奴遠闕佳歸時雖落葉銀蠟照紅紗

陳宗聖縣丞往登州問有所幹以此託之

北望登州匹馬馳
駝裘孤扇任風吹
才聞使者方相委
事屬公家不敢辭
聚落蕭條宿山縣
波濤浩蕩瞰天池
煩君一上蓬萊閣
歸說扶桑日出時

郡集

旋徹銀杯泛海螺
故人相遇樂如何
東西合作雙雙舞
工拙分為一之歌
吹角共驚冬晷短
添爐更覺晚寒多
不須苦鍊登州語
大抵東音唯與阿

送段從道司戶

擾擾東來又西去，風霜匱薄勝闌勞。
請君飲馬沂河上，徐看家山萬疊高。

早陰

青女隨明月來時，夜已深霜花結不就。
散作海天陰。

寓目

修此年華晚蕭然，學館幽常閒心却悶。
極靜景多愁葉走堂階，響雲依殿吻浮黃。
茅日西下戲犬在城頭。

初雪即霽

紛紛千里暗雪下海邊城方與冬為瑞如何晚即晴竹
枝微覺重瓦口未能平深夜庭前看尤添月色清

夜觀殘雪

牆陰留得雪瀾斑有客更深獨自看江上落梅人不掃
山頭明月夜初寒清心直與神仙比好景只應圖畫難
宇宙之中無一物碧天如水靜漫漫

冬至日作

今宵當月滿此日又陽生明淨乾坤氣歡和井邑聲年
年對佳節處處樂昇平遙想京師盛新宮太一迎

小酌

落日山城晚黃雲雪意濃更須開一甕頻醉送殘冬

清江三孔集卷二十四